



Caroline Myster

Referanser:

Dykkar:

Vår: 23/554 - 23/5689

Saksbehandlar:

Tore Henrik Øye

tore.henrik.oye@vaksdal.kommune.no

Dato:

09.05.2023

Referat frå møte i Mysterefondet 08.05.23 - søknadshandsaming - tilskot til skytebane på Eidslandet

MØTEFORM : Teams

TIDSPUNKT : 08.05.23, kl. 19:00 – 19:30

TIL STADES :

- Magnar Nese, leiar.
- Evelyn Lode, styremedlem
- Caroline Myster, styremedlem
- Knut Eirik Møster, styremedlem
- Tore Henrik Øye (administrativ repr. – skrivar)

MELDT AVBOD: - Oddbjørn Vik, styremedlem

SAK 1: Handsaming av søknad om fondstilskot til opprusting av skytebane i Litlevika på Eidslandet

Vaksdal og Modalen skyttarlag søker i søknad av 06.03.23, om tilskot frå Mysterefondet til innkjøp av 4 stk. elektroniske skiver til skytebane i Litlevika på Eidslandet.

Skyttarlaget søker om totalt kr. 100 000,- i fondstilskot frå Vaksdal kommune, fordelt på Mysterefondet og det kommunale viltfondet. I tillegg er det søkt om kr. 100 000,- i tilskot frå Modalen kommune. Total kostnad med tiltaket er budsjettert til kr. 274 913,-, der skyttarlaget legg opp til å nytte kr. 74 913,- i egne midlar, pluss dugnadsinnsats (henting av skiver, m.m.).

Styret i Mysterefondet drøfta søknaden ut frå følgjande forhold:

- Tiltaket sin karakter ut frå fondsføremålet.
I følgje vedtektene til Mysterefondet § 1, er fondsføremålet å fremje opphjelp av vilt og fisk. Planlagt tiltak har ein breiare funksjon enn berre viltforvaltning, men ei moderne og funksjonell skytebane vil leggje til rett for trening og oppskyting til jegerprøven, med grunnlag for gode

skyteferdigheiter og god jaktutøving. I tillegg kan pågåande opprusting stimulere til bruk og rekruttering av (unge) jegerar. Elles er ei modernisering av bana, heilt naudsynt for å ha ei bane som fungerer tilstrekkeleg godt.

Styret var samde om at tiltak fell innanfor fondsføremålet.

- Fondskapital/tilgjengelege midlar

Fondssaldoen var kr. 459 384,- per 01.04.23, der kr. 150 000,- skal vere bunden kapital, jf. fondsvedtektene § 5. Dette gjev kr. 309 384,- i disponible midlar. Årleg innbetaling frå regullant er kr. 37 000,- (inngår ikkje i oversynet).

Styremedlemene var samde om å forvalte fondet på ein måte som sikrar tilgjengeleg kapital over fleire år, og at handsaminga frå år til år, skal ta utgangspunkt i dette.

Det var semje om at tilgjengeleg fondskapital gjev rom for å tildele kr. 40 000,- til opprusting av skytebana.

- Tidspunkt for søknaden

Vedtektene for Mysterfondet seier ikkje noko om fast søknadsfrist, men det vanlege har vore å lyse ut midlar i november/desember, med handsaming før nyttår.

Søknaden frå skyttarlaget kom inn tidleg på året, og vert soleis handsama før eventuelt andre søknadar som kjem inn seinare i år. Dette gjev ikkje direkte samanlikningsgrunnlag mellom søknadane. Styret diskuterte problemstillinga, og kom fram til det ut frå fondet sitt handlingsrom, vil vere grunnlag for ei fortløpande handsaming av søknaden frå skyttarlaget.

- Tidlegare tilskot

Det er ved to, tidlegare høve, gjeve kr. 65 000,- i tilskot frå Mysterfondet til opprusting av skytebane (2019 og 2021). Desse løyvingane lagde til grunn for fondsstyret si handsaming. Her vart det kommentert at store ressursar er nytta for å ruste opp skytebane, først til elektrisk infrastruktur, og no til innkjøp av nye, elektroniske skyteskiver. Skyttarlaget har i dette høvet gjort nytte av eigenkapital og lagt ned vesentleg med dugnadsinnsats.

Styret vurderte søknaden om tilskot i ljøs av heile prosjektet, og såg grunnlag for ny løyving i 2023. I dette høve er det naturleg at dei samla løyvingane dannar grunnlaget for vurdering av evt. framtidige søknadar.

- Fordeling mellom vilt- og fiskeføremål

Vedtektene til Mysterfondet seier at ei overvekt av midlane skal nyttast til fiskeføremål. I løpet av dei siste åra, har det vore nytta mest til viltføremål. Dette heng saman med type søknadar som kjem inn. Dersom ein går lengre tilbake i tid, vil truleg fordelinga vere meir balansert. Samstundes er det overvekt med tildeling til fiskeføremål frå andre utmarksfond i kommunen, noko som igjen har samanheng med kva fond det vert søkt om tilskot frå. Likevel vil styret ha merksemd på fisketiltak framover.

- Tildeling frå BKK sitt interkommunale viltfond

Skrivar informerte om at styret for BKK sitt interkommunale viltfond, løyvde kr. 10 000,- til opprusting av skytebana. Dette tilskotsbeløpet vert trekt i frå ved løyving frå Mysterfondet (kr. 50 000 minus kr. 10 000,-).

VEDTAK

Med bakgrunn i vedtektene for Mysterfondet § 1, innstiller styret for fondet å løyve kr. 40 000,- i fondsmidler til Vaksdal/Modalen skyttarlag for opprusting av skytebane i Litlevika på Eidslandet.

I tråd med vedtektene § 2, vert innstillinga sendt over til Formannskapet/plan- økonomiutvalet (FPØ) for endeleg avgjerd.

For styret i Mysterfondet:

Tore Henrik Øye

Rådgjevar landbruk

Brevet er godkjent elektronisk og har difor ingen underskrift.

Mottakarar:

Caroline Myster

Evelyn Lode

Knut Eirik Møster

Magnar Nese

Oddbjørn Vik

Eksingedalsvegen 2782

5728

EIDSLANDET